

# **Cartulaire de Marmoutier pour le Dunois, Cartularium Dunense Maioris Monasterii Nr. 76a**

Ad memoriam posterorum nostrorum, Maioris videlicet Monasterii monachorum, presenti scripto transmittimus, quod canonici Sancti Carilephi Blesensis, quorum haec sunt nomina: Otbertus, Guarinus, filius Richardi, Odo, Gundrannus, rogatu et deprecatione dominae nostraræ karissimæ Blesensis comitissæ Adilæ, Guillelmi primi regis Anglorum filiae, Stephanique palatini comitis coniugis, amatissime atque assidue benefactricis nostraræ, his concesserunt Deo, beato Martino atque nobis totam decimationem illius partis Silva Lonnae, quam nobis ipsa, pro viri sui Stephani et pro sua, proque suorum tam predecessorum quam successorum animabus, dedit, anno M C IIII ab incarnatione Domini. Primitus enim illam nobis apud Blesim concesserunt, in camera ipsius comitissæ, et postea in capitulo suo. Primæ autem concessionis testes hi sunt: Raimundus de Vigenna, Herveus Belonus, Andreas Barba, Teodericus de Vigenna, Petrus de Robore ligato, Caballarius, Guarinus servus, Hugo de Orceio, Serlo, Rainaldus de Fonte; monachi: Gausbertus Ludovicus, Adelelmus de Pontico, Genzo, prepositus Villæ Belfodii, Ingelbaldus, serviens monachorum, Petrus, famulus panetarii, Paganus, cellararius Villæ Belfodii; secundæ vero isti: Gausbertus Ludovicus, Ingelbaldus famulus, Petrus de Robore ligato, Herveus Belonus, Hugo de Orceio, Serlo, Curcesius, Andreas, filius Teduini.